

De di Seniors: la Ciasa de Palsa Ojöp Frëinademetz inviëia duc a n domisdé duc por festejé deboriada le de di seniors. I s'aspetun en jöbia, ai 01.10.2015 dales 15.00 ales 17.00. Al cianta por l'pröm iade l'cor dla ciasa y i ghesc mostra valgügn bai cun musiga.

- Implö chir la Ciasa de Palsa volontars y voluntares che soratöl pici laurs da cujì. Por informaziuns plü avisa pon cherdé le numer 0474/ 524782.

L'Isitut „Herz Jesu“ da Mühlbach lascia alsavèi che al mèt man les iscriziuns 2016/17 por süa scola mesana. Ai 07 y ai 09 de otober éle dales 15:30 n domisdé de informaziun. Al é da se prenoté al nr.0472/849727.

Curs da stricken n „sarnèr“ a S.Martin, mèt man ai 01.10.2015 dales 13:30 por 8 iadi. Prenotaziuns pro Loise 0474/590026 cina ai 27.09.2015.


Audiënza cun l'aconsiadëssa provinziuala Maria Hochgruber: ai 01.10.2015 dales 17:00 te ciasa de comun a S.Martin. Düc é bëgn gnüs.

Zënter Consumadusc: ocasiun de informaziun y aiüt por la jënt en lünesc ai 28.09.2015 dales 15:00 – 17:00, a La lla sön Plaza dla Ciasa de Cultura. Al vëgn ince musuré la cualité dl handy y di udlà da sorëdl.

Curs de rus: al mèt man ai 07.10.2015 a Calfosch te Ciasa dles Uniuns, Pice Salf (vigni mercui por 10 iadi dales 19:30 ales 21:00). Informaziuns y prenotaziuns pro Christof al nr. 333/6679760.




En lünesc, ai 28.09.2015 complësc **Maria Pitscheider** da Reslada **86** agn y **Arcangel Pitscheider** da Rainé **83** agn; en mertesc, ai 29.09.2015 **Franz Irsara** da Castalta **86** agn; en vëndres, ai 02.10.2015 **Lina Canins Valentini** da Puntac **86** agn; en domënia, ai 04.10.2015 **dr. Franz Vittur** da Pedraces **87** agn y **Arturo Canins** da Pedraces **84** agn. L'Seniorenclub y düta la Comunité ti aoda a duc düd l'bun, sanité y benedisciun de Dî.



*Les oraziuns ne müda nia le monn,
mo les oraziuns müda les porsones.
Y les porsones müda le monn.*

(Albert Schweitzer)



Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 44

Edema: 27.09.– 04.10.2015

Vangele dla Domënia che vëgn - XXVII° ann „B“

(Mc 10,2-16)

Te chël tëmp él gnü farisës da Gejù y à damané: Pó n èl desgorje süa fomena fora dl matrimone? Cun chësc orò ti mète na tënora. Al ti à respognü: Ci ves à pa Mosé scrit dant? Ai à dit: Mosé à conzedü de scri n at de spartizun y de la lascé jì. Gejù ti à respognü: Ma deach'i sëis tan dürs de cör, ves ál dé chësta norma. Ti scomenciamënt dla creaziun i à Idî cherié sciöche èl y ëra. Porchël arbandonarà l'èl pere y uma, y i dui sarà öna na cern. Insciö n'ési nia plü dui, mo un. Porchël ne dess le chestian nia despartì ci che Idî à lié. A ciasa l'à i discepui ciamò n iade damané de chësc. Al ti à respognü: Chël che desgorj süa fomena y nen marida n'atra, rump le matrimone cun süa fomena. Ince na ëra rump le matrimone, sc'ara desgorj so om y nen marida n ater. Dailò ti à condüt pomez mituns, ch'al ti metess sö les mans. I discepui indere parâ demez la jënt. Canche Gejù à odü chësc, s'ál lascé sö y ti à dit: Lascede gnì da me i mituns; no ti l'impedide! Deache de chi, che é sciöche chisc, é le règn de Dî. Amen, chël ves diji: Chël che ne tól nia sö le règn de Dî sciöche n möt, chël ne röia nia ite. Y al à tut i mituns te sü brac; spo ti àl metü sö les mans y i à benedì.



FUNZIUNS SACRES

27.09 XXVI. DOMËNIA dl ANN / B - De dla Comunité

- 08.30 Mëssa
11.00 S.Mëssa sön paiun de Ciasa Runcher
18.00 †to Edi Adang – aniversar / †ta Gusta Pescollderungg
†ti Giovanni, Maria Adang y †ti Edo y Nane Alfarei
• *al cianta l'cor Kérygma* •

29.09. Mertesc – *Ss. Arcangeli Michil, Gabriel y Rafael*

- 07.30 Prozesciun da S.Linert a La Crusc
09.30 **La Crusc:** S.Mëssa
en ringraziamënt
• *da séra degüna mëssa a S.Linert* •



30.09. Mercui – *Mëssa cun i scolars dla elementara*

- 07.30 †to Linert Valentin – aniversar
†to Pepele Nagler – aniversar
†ti Paul y Emilia Pitscheider - aniversar

01.10. Jöbia – *S. Teresa dl Bambin Gejú*

- 19.30 por i novic Philipp Lerchegger y Susan Valentin
por les families de Runch / †to Carlo Devall

02.10. Vëndres – *Prüm vëndres dl mëis*

- 07.30 †to Bruno Valentin / †ti Maria y Heinrich Irsara
a d' intenziun de na familia

03.10. Sabeda

- 05.00 **La Crusc:** ora de adoraziun
06.00 **La Crusc:** S.Mëssa
08.00 **S.Linert:** S.Mëssa en onur de S.Francësch
†to Guido Pizzinini
por Maria y Edith Pescoll en ringraziamënt
16.00 **Oies:** S.Mëssa

04.10 XXVII. DOMËNIA dl ANN / B - Segra de Rosare

- 10.00 Mëssa por la Comunité
14.30 **La Crusc:** mëssa y traslaziun de Chëlbeldí da La Crusc
15.00 Festa da Bato
18.00 vis y †ti de Sandro y Emma Canins
por fam. Raimund y Martina Pitscheider
por fam. Franz y Anna Rudiferia

Dala VITA dla CÜRA

Funziuns sö La Crusc

Mertesc, 29.09.2015 – S.Michil

07:30 prozesciun da S.Linert a La Crusc y dales 09:30 S.Mëssa

Sabeda, 03.10.2015

05:00 Ora de adoraziun y dales 06:00 S.Mëssa

Domënia, 04.10.2015

14:30 S.Mëssa y dedò traslaziun de Chëlbeldí da La Crusc jö S.Linert

Domënia, 11.10.2015

15:00 Prozesciun de Chëlbeldí da La Crusc a S.Linert



Comuniun ai amarà: ala ti vëgn portada en vëndres, prüm dl mëis, dales 09:30 inant.

La Uniun dles ëles inviëia dütes ai 07.10.2015 a gní a S.Martin a fá l'tru dles Staziuns "Vistles" dediché a S.Ujöp. An se abina a Pedraces, dan Comun, dales 13:00 por ji cun auti privac a S.Martin.

Pelegrinaje a Weissenstein:

1. **Vëdui, vëdues y porsones sores** é inviá en jöbia, ai 01.10.2015 a Weissenstein. An pëia ia da Pedraces dales 07:40 y l'iade cun marëna y picera marëna costa 45 €. Prenotesse pro Monica al nr. 0474/590069 dan ai 28.09.2015.

2. **L'KVV da San Ciascian, La Ila y Badia** inviëia al pelegrinaje a Weissenstein ai 10.10.2015. Le bus pëia ia da Pedraces dales 07:45 Prenotaziuns ënter le 07.10.2015 pro Vijo Clement – tel 0471/849353 o 339 498 3474.

Oraziun dl chít (das Ruhegebet): d'aisciöda á n grup tut pert a na séra de informaziun y la medema vëgn tignida ciamó n iade ai 05.10.2015 dales 20:00 tla stüa da Oies. Referant é Gerhard Mahlknecht da Bornech. Por informaziuns pón cherdé sö l' nr. 3381300787.

Referat cun Siur Tone Fiung: "I ciari bun de me por che i póis fá l'guern a te" en sabeda, ai 03.10.2015 dales 14:30 te Raiun Sozial a Picolin en ocasiun dl aniversar di 25 agn dl'Assistënza a ciasa. Porsones cuntará de sües esperiënzes, en plü gnaral mostré i sorvisc dl'Assistënza a ciasa.